



列傳第一

陳書七

散騎常侍姚

思廉撰



高祖章皇后

世祖沈皇后

廢帝主皇后

高宗柳皇后

後主沈皇后

張貴妃

周禮王者立后六宮三夫人九嬪二十七世婦
八十一御妻以聽天下之內治然受命繼體之
主非獨外相佐也蓋亦有內德助焉漢魏已來
六宮之職因龍衣增置代不同矣高祖承微接亂

光膺天歷以朴素自處故後宮負位多闕世祖
天嘉初詔立後宮負數始置貴妃貴嬪貴姬三
人以擬古之三夫人又置淑媛淑儀淑容昭華
昭容昭儀脩華脩儀脩容九人以擬古之九嬪
又置婕妤容華充華承徽烈榮五人謂之五職
亞於九嬪又置美人才人良人三職其職無負
數號為散位世祖性恭儉而嬪嬙多闕高宗後
主內職無所改作今之所綴略備此篇

高祖宣皇后章氏諱要兒吳興烏程人也本姓

鍾父景明為章氏所養因改焉景明梁代官至
散騎侍郎后母蘇嘗遇道士以小龜遺已光采
五色曰三年有徵及期后生而紫光照室因失
龜所在少聰慧美容儀手爪長五寸色竝紅白
每有碁功之服則一瓜先折高祖先娶同郡錢
仲方女早卒後乃聘后后善書計能誦詩及楚
辭高祖自廣州南征交趾命后與衡陽王昌隨
世祖由海道歸于長城侯景之亂高祖下至豫
章后為景所囚景平而高祖為長城縣公后拜

夫人及高祖踐祚永定九年立為皇后追贈后
父景明特進金紫光祿大夫加金章紫綬拜后
母蘇安吉縣君二年安吉君卒與后父合葬吳
興明年追封后父為廣德縣侯邑五百戶謚曰
溫高祖崩后與中書舍人蔡景歷共定計祕不發
喪召世祖入纂事在蔡景歷及侯安都傳世祖
即位尊后為皇太后宮曰慈訓廢帝即位尊后
為太皇太后光大二年后下令黜廢帝為臨海
王命高宗嗣位太建元年尊后為皇太后二年

三月景申崩于紫極殿時年六十五遺令喪事
所須並從儉約諸有饋奠不得用牲牢其年四
月羣臣上謚曰宣太后祔葬萬安陵后親執屬無
在朝者唯族兄鈕洽官至中散大夫

世祖沈皇后諱妙容吳興武康人也父法深梁
安前中錄事參軍后年十餘歲以梁大同中歸
于世祖高祖之討侯景世祖時在吳興景遣使
收世祖及后景平乃獲免高祖踐祚永定元年
后為臨川王妃世祖即位為皇后追贈后父法

深光祿大夫加金章紫綬封建成縣侯邑五百戶謚曰恭追贈后母高綏安縣君謚曰定廢帝即位尊后爲皇太后宮曰安德時高宗與僕射劉仲舉舍人劉師知等並受遺輔政師知與仲舉恒居禁中參決衆事而高宗爲揚州刺史與左右三百人入居尚書省師知見高宗權重陰思之乃矯勅謂高宗曰今四方無事王可還東府經理州務高宗將出而諮議毛喜止之曰今若出外便受制於人譬言如曹爽願作富家翁不

可得也高宗乃稱疾召師知留之與語使毛喜先入言之於后后曰今伯宗年幼政事並委二郎此非我意喜又言於廢帝帝曰此自師知等所爲非朕意也喜出以報高宗高宗因囚師知自入見后及帝極陳師知之短仍自草敕請畫以師知付廷尉治罪其夜於獄中賜死自是政無大小盡歸高宗后憂悶計無所出乃密賂宦者蔣裕令誘建安人張安國使據郡反冀因此以圖高宗安國事覺並爲高宗所誅時后左右

近侍頗知其事，后恐連逮，黨與並殺之。高宗即位以後，爲文皇后，陳亡入隋。大業初，自長安歸于江南。頃之卒，后兄欽隨世祖征伐，以功至貞威將軍、安州刺史。世祖即位，襲爵建城侯，加通直散騎常侍，持節會稽等九郡諸軍事，明威將軍、會稽太守。入爲侍中、左衛將軍、衛尉卿。光武中，爲尚書右僕射，尋遷左僕射。欽素無技能，奉已而已。高宗即位，出爲麾將軍、義興太守。秋中，二千石。太建元年卒，時六十七。贈侍中、特

進翊左將軍，謚曰成子。觀嗣頗有學識，官至御史中丞。

廢帝王皇后金紫光祿大夫，固之女也。天嘉元年，爲皇太子妃。廢帝即位，立爲皇后。廢帝爲臨海王，后爲臨海王妃。至德中薨，后生臨海嗣王。至澤至澤，以光大元年爲皇太子。太建元年，襲封臨海嗣王，尋立爲宣惠將軍，置佐史。陳亡入長安。

高宗柳皇后，諱敬言，河東解人也。曾祖世隆

齊侍中司空尚書令真陽忠武公祖暉有重名
於梁代官至祕書監贈侍中中護軍父偃尚梁
武帝女長城公主拜駙馬都尉大寶中爲鄱陽
太守卒官后時年九歲幹理家事有若成人侯
景之亂后與弟盼往江陵依梁元帝元帝以長
城公主之故待遇甚厚及高宗赴江陵元帝以
后配焉承聖二年后生後主於江陵明年江陵陷
高宗遷于關右后與後主俱留穰成天嘉二年
與後主還朝后爲安成王妃高宗即位立爲皇

后后美姿容身長七尺二寸手垂過膝初高宗
居鄉里先娶吳興錢氏女及即位拜爲貴妃甚
有寵后傾心下之每尚方供奉之物其上者皆
推於貴妃而已御其次焉高宗崩始興王叔陵
爲亂後主賴后與樂安君吳氏救而獲免事在
叔陵傳後主即位尊后爲皇太后宮曰弘範
當是之時新失淮南之地隋師臨江又國遭大
喪後主病瘡不能聽政其誅叔陵供大行喪事
邊境防守及百司衆務雖假以後主之命實皆

決之於后後主瘡愈乃歸政焉陳亡入長安大業十一年薨於東都年八十三葬洛陽之邙山后性謙謹未嘗以宗族為請雖衣食亦無所分遺弟盼大建中尚世祖女富陽公主拜駙馬都尉後主即位以帝舅加散騎常侍盼性愚

非常因醉乘馬入殿門為有司所劾坐免官

於家贈侍中中護軍后從祖弟莊清警有器識大建末為太子洗馬掌東宮管記後主即位稍遷至散騎常侍衛尉卿禎明元年轉右

衛將軍兼中書舍人領雍州大中正自盼卒後太后宗屬唯莊為近兼素有名望猶是深被恩遇尋遷度支尚書陳亡入隋為岐州司馬

後主沈皇后諱教華儀同三司望蔡貞憲侯君理女也母即高祖女會稽穆公主主早亡后尚幼而毀瘠過甚及服畢每至歲時朔望恒獨坐涕泣哀動左右內外咸敬異焉大建三年納為皇太子妃後主即位立為皇后后性端靜寡嗜慾聰敏強記涉獵經史工書翰初後主在東

宮而后父君理卒后居憂處於別殿哀毀逾禮後主遇后既薄而張貴妃寵傾後宮後宮之政歸之而后澹然未嘗有所忌然而居處儉約衣服無錦繡之飾左右近侍纔百許人雅尋閱圖史誦佛經爲事陳亡與後主俱入長安及後主薨后自爲哀辭文甚酸切隋煬帝每所巡幸恒令從駕及煬帝爲宇文化及所害后自廣陵過江還鄉里不知所終后無子養孫姬子胤爲己子后宗族多有顯官事在君理傳后叔君

梁元帝敗後嘗在江陵禎明中與蕭巖蕭巖率衆叛隋歸朝後主擢爲太子詹事君公博學有才辯善談論後主深器之陳亡隋文帝以其叛已命斬于建康

後主張貴妃名麗華兵家女也家貧父兄以織席爲事後主爲太子以選入宮是時龍膏嬪爲良娣也貞妃年十歲爲之給使後主見而說焉因得幸八遂有娠生太子深後主即位拜爲貴妃性聰惠甚被寵遇後主每引貴妃與賓客遊宴

貴妃薦諸宮女預焉後宮等咸德之競言貴妃之善由是愛顧後宮又好厭魅之術假鬼道以惑後主置淫祀於宮中聚諸妖巫使之鼓舞因參訪外事人間有一言一事妃必先知之以白後主由是益重妃內外宗族多被引用及隋軍陷臺城妃與後主俱入于井隋軍出之晉王廣命斬貴妃榜於青溪古橋

史臣侍中鄭國公魏徵考覽記書參詳故老云正初即位以始興王叔陵之亂被傷卧于承香

下時諸姬竝不得進唯張貴妃侍焉而柳太后猶居柏梁殿即皇后之正殿也後主沈皇后素無寵不得侍疾別居求賢殿至德二年乃於光照殿前起臨春結綺望仙三閣閣高數丈竝數十間其窓牖壁帶懸楣欄檻之類竝以沈檀香木爲之又飾以金玉間以珠翠外施珠簾內有寶牀寶帳其服玩之屬瑰竒珍麗近古所未有每微風暫至香聞數里朝日初照光暎後庭其下積石爲山引水爲池植以竒樹

雜以花藥後主自居臨春閣張貴妃居結綺閣
龔孔二貴嬪居望仙閣竝複道交相往來又有
王李二美人張薛二淑媛袁昭儀何婕妤江脩
容等七人竝有寵遞代以遊其上以宮人有文學
者袁大捨等爲女學士後主每引賓客對貴妃
等遊宴則使諸貴人及女學士與御客共賦新詩
互相贈答採其尤豔麗者以爲曲詞被以新聲
選宮女有容色者以千百數令習而哥之分部
維持以相樂其曲有玉樹後庭花臨春樂等

指所歸皆美張貴妃孔貴嬪之容色也其

曰璧月夜夜滿瓊樹朝朝新而張貴妃髮長七
尺髮黑如漆其光可臨金特聰惠有神采進止閑
暇容色一端麗甚瞻視盼睐光采溢目照映左右
常於閣上觀禁臨軒檻宮中遙望飄若神仙
才辯強記善候人主顏色是時後主怠於政事
百司啓奏竝因宦者蔡脫見李善度進請後
主四直張貴妃於膝上共決之李蔡所不能記者
貴妃過爲條疏無所遺脫曰是公無如寵異冠絕

後庭之禮後宮之家不無法度有在於理者但求
哀乞臣且近臣具地則令李蔡先啓其事而後從容
爲言之大臣有不從者亦因而譖之所言無不聽
於日定張孔之勢薰灼四方大臣執政亦從風而
靡隨官便佞之徒內外交結轉相引進賄賂公
行山真曰無常綱紀務亂矣

史曰曰詩表關雎之德易著乾坤之基然夫婦
之際人道之大倫也若夫作儷天則變堯舜王化
可宣六后有其懿焉
列傳二終

列傳第二

陳音八

散騎常侍姚思廉撰

杜僧明

周文育

子寶安

侯安都

杜僧明字弘照廣陵臨澤人也形兒眇小而膽
氣過人有勇力善騎射梁大同中盧安興爲廣
州南江督護僧明與兄天合及周文育並爲安
興所啓請與俱行頻征徠獠有功爲新州助

防天合亦有材幹預在征以安興死僧明復副
其立子雄及交州土豪李賁反逐刺史蕭諮諮
奔廣州臺遣子雄與高州刺史孫罔討晉時春
草已生瘴癘方起子雄請待秋討之廣州刺史
新渝侯蕭映不聽蕭諮又促之子雄等不得已
遂行至合浦死者十六七眾竝憚役潰散禁之
不可乃引其餘兵退還蕭諮啓子雄及罔與賊
交通逗留不進梁武帝勅於廣州賜死子雄弟
子雄子烈竝雄家任俠家屬則在南江天合謀於

眾曰盧公累代待遇我等亦甚厚矣今見枉而
死不能為報非丈夫也我弟僧明萬人之敵若
圍州城召百姓誰敢不從城破斬二侯祭孫盧
然後待臺使至束手詣廷尉死猶勝生縱其不
捷亦無恨矣眾咸慷慨曰是願也唯足下命之
乃與周文育等率眾結盟奉子雄弟子略為
主以攻刺史蕭映子略頓城南天合頓城北僧
明文育分據東西吏人竝應之一日之中眾至
數萬高祖時在高要聞車起率眾來討大破

之殺天合生擒僧明及文吉等高祖並釋之引
爲主帥高祖征交趾及討元景仲僧明文育竝
有功侯景之亂俱隨高祖入援京師高祖於始
興破蘭裕僧明爲前鋒擒裕斬之又與蔡路養
戰於南野僧明馬被傷高祖馳往救之以所乘
馬以與僧明僧明乘馬與數十人復進衆皆披
靡因而乘之大敗路養高州刺史李遷仕又據
大臯入瀨石以逼高祖高祖遣周文育爲前軍
與僧明擊走之遷仕與寧都人劉孝恭同併力將
龍衣南唐高祖又令僧明與文育等拒之相持連
戰百餘日卒擒遷仕送于高祖軍及高祖下南
康留僧明頓西昌督安成廬陵二郡軍事元帝
承制授假節清野將軍新州刺史臨江縣子邑
三百戶侯景遣于慶等寇南江高祖頓豫章會
僧明爲前驅所向克捷高祖表僧明爲長史
仍隨東討軍至蔡州僧明率麾下燒賊水門大
艦及景平以功除負外散騎常侍以爲將軍南
兖州刺史進爵爲侯增邑并前五百戶仍領晉

陵太守承聖二年從高祖北圍廣陵加使持節
遷通百散騎常侍平北將軍餘如故荊州陷高
祖使僧明率兵明徹等隨侯瑱西援於江州病
卒時年四十六贈散騎常侍謚曰威壯祖即位
追贈明府儀同三司天嘉二年配享高祖廟
庭子晉巖

周文育字景德義興陽羨人也少孤貧本居新
安壽昌縣姓項氏名猛奴年十一能反覆游水
中數里跳高五六尺與羣兒聚戲衆莫能及

義興人周蒼爲壽昌浦口戍主見而竒之因召
與語文育對曰母老家貧兄姊並長大困於賦
役蒼哀之乃隨文育至家就其母請文育養爲
已子母遂與之及蒼秩滿與文育還都見於
太子詹事周捨請製名字捨因爲立名文育字
景德命兄子弘讓教之書計弘讓善隸書寫
蔡邕勸學及古詩以遺文育文育不之省也謂
弘讓曰誰能學此取富貴但有大槩耳弘讓壯
之教之騎射文育大悅司州刺史陳慶之與蒼

同郡素相善啓奮爲前軍軍主慶之使奮將五百人往新蔡懸瓠慰勞白水蠻蠻謀執奮以入魏事覺奮與文育拒之時賊徒甚盛一日之中戰數十合文育前鋒陷陣勇冠軍中奮於陣戰死文育馳取其尸賊不敢逼及夕各引去文育身被九創創愈辭請還葬慶之壯其節厚加贈遺而遣之葬訖會盧安興爲南江督護啓文育同行累征徠獠所在有功除南海令安興死後文育與杜僧明攻廣州爲高祖所敗高祖

赦之語在僧明傳後監州王勣以文育爲長流令深被委任勣被代文育欲與勣俱下至大庾嶺詣卜者卜者曰君北下不過作令長南入則爲公侯文育曰足錢便可誰望公侯卜人又曰君須臾當暴得銀至二千兩若不見信以此爲驗其夕宿逆旅有賈人求與文育博文育勝之得銀二千兩旦日辭勣勣問其故文育以告勣乃遣之高祖在高要聞其還也大喜遣人迎之厚加賞賜分麾下配焉高祖之討侯景文育

與杜僧明爲前軍克蘭裕援歐陽頔皆有功高
祖破蔡路養於南野文育爲路養所圍四面數
重矢石雨下所乘馬死文育右手搏戰左手
解鞍潰圍而出因與杜僧明等相得并力復進
遂大敗之高祖乃表文育爲府司馬李遷仕之
據大阜遣其將杜平虜入瀨石魚梁作城高
祖命文育擊之平虜弃城走文育據其城遷仕
聞平虜敗留老弱於大阜悉選精兵自將以攻
文育并其鋒甚銳軍人憚之文育與戰遷仕稍

却相持未解高祖遣杜僧明來援別破遷仕
水軍遷仕衆潰不敢過大阜直走新淦梁元帝
授文育假節雄信將軍義州刺史遷仕又與劉
孝尚謀拒義軍高祖遣文育與侯安都杜僧明
徐度杜稜築城於白口拒之文育頻出與戰遂
擒遷仕高祖發自南康遣文育將兵五千開通
江路各募將王伯醜據豫章文育擊走之遂據
其城甲兵前後功除游騎將軍自外募騎常侍封
東遷縣侯邑五百戶高祖軍至白茅灣命文育

與杜伯明常為軍鋒平南陵鵠頭諸城及至姑
熟與子將侯子嬰戰破之景平授通直散騎常
侍改封南移縣侯邑一千戶拜信義太守累遷
南丹明蘭陵太守智武將軍散騎常侍高
祖誅王僧辯命文育督衆軍會世祖於吳興
圍杜克之又濟江襲會稽太守張彪得其郡
城及世祖為彪所籠文育時頓城北香巖寺世
祖夜往趨之因共立柵頃之彪又來攻文育悉
力苦戰彪不能克遂破平彪高祖以侯真擁據

溫州命文育討之仍除都督南豫州諸軍事武
威將軍南豫州刺史率兵襲淝城未克徐嗣徽
引齊寇渡江據蕪湖詔徵文育還京嗣徽等列
艦於青墩至于七磯以斷文育歸路及夕文育鼓
噪而發嗣徽等不能制至旦反攻嗣徽嗣徽驍
將鮑平獨以小艦殿軍文育乘單舫艤與戰
跳入艦斬平仍牽其艦而還賊衆大駭因留
船蕪湖自丹陽步上時高祖拒嗣徽於白城適與
文育大會將戰風急高祖曰兵不逆風文育曰

事急矣當決之何用古法抽槊上馬而進衆軍從之風亦尋轉殺傷數百人嗣徽等移營莫府山文育徙頓對之頓戰功最加平西將軍進爵壽昌縣公并給鼓吹一部廣州刺史蕭勃舉兵瑜嶺詔文育督衆軍討之時新吳洞主余孝頃奉兵應勃遣其弟孝勸守郡城自出豫章據于石頭勃使其子孜將兵與孝頃相會又遣其別將歐陽頽頓軍苦竹灘傅泰據塘口城以拒官軍官軍船少孝頃有舡舫二百艘艦百餘乘在

上守文育遣軍主焦僧度羊柬潛軍龍衣之悉取而歸仍於豫章立柵時官軍食盡竝欲退還文育不許乃使人間行遣周迪書約爲兄弟并陳利害迪得書甚喜許饋糧餉於是文育分遣老小乘故船舫沿流俱下燒豫章郡所立柵僞退孝頃望之大喜因不設備文育由間道兼行信宿達羊韶羊韶上流則歐陽頽蕭勃下流則傅泰余孝頃文育據其中間築城鄉食士賊徒大駭歐陽頽乃退入泥溪作城自守文育遣嚴威將

軍周鐵武與長史陸山才龍衣額擒之於是盛陳
兵甲與額乘舟而譙以巡傳秦城下因而攻秦克
之蕭勃在南康聞之衆比股慄莫能自固其將
譚世遠斬勃欲降爲人所害世遠軍主夏侯明
徹持勃首以降蕭孜余女子頃猶據石頭高祖遣
侯安都助文育攻之孜降文育孝頃退走新吳
廣州平文育還頓豫章以功授鎮南將軍開府
儀同三司都督江廣衡交等州諸軍事江州刺史
王琳擁據上流詔命侯安都爲西道都督文育
爲南道都督同會武昌與王琳戰於沌口爲琳
所執後得逃歸語在安都傳尋授使持節散騎
常侍鎮南將軍開府儀同三司壽昌縣公給鼓
吹一部及周迪破余孝頃孝頃子公颺弟孝勤
猶據舊柵扇動南土高祖復遣文育及周迪
黃公甍等討之豫章內史熊曇朗亦率軍來
會衆且萬人文育遣吳明徹爲水軍配周迪運
糧自率衆軍入象牙江城於金口公颺領五百
僞降謀執文育事覺文育囚之送于京師以其

部曲分隸衆軍乃捨舟爲步軍進據三陂王琳遣將曹慶帥兵二千人以救孝勸慶分遣主帥常衆愛與文育相拒自帥所領徑攻周迪吳明徽軍迪等敗績文育退據金口熊曇朗因其失利謀害文育以應衆愛文育監軍孫白象頗知其事勸令先之文育曰不可我舊兵少客軍多若取曇朗人人驚懼亡立至矣不如推心以撫之初周迪之敗也弃船走莫知所在及得迪書文育吉言實示曇朗曇朗害之於座時年五十二

高祖聞之即日舉哀贈侍中司空諡曰忠愍初文育之據三陂有流星墜地其聲如雷地陷方一丈中有碎炭數斗又軍市中忽聞小兒啼一市並驚聽之在上下軍人掘得棺長三尺文育惡之俄而迪敗文育見殺天嘉二年有詔配享高祖廟庭子寶安嗣文育本族兄景曜因之育官至新安太守

寶安字安民年十餘歲便習騎射以貴具公子驕蹇遊逸好狗馬樂馳騁靡衣媮食文育之爲晉

陵以征討不逞之郡令寶安監知郡事九聚惠
少年高祖惠之及文育西征敗績繫於王琳寶
安便折節讀書與士君子遊綏御文育士卒甚
有威惠除貞外散騎侍郎文育歸復除貞威將
軍吳興太守文育為熊曇朗所害徵寶安還起
為猛烈將軍領其舊兵仍令南討世祖即位深
器重之寄以心膂精卒利兵多配焉及平王琳
頗有功周迪之破熊曇朗寶安南入窮其餘燼
大嘉二年重除雄信將軍吳興太守襲封壽昌

縣公二年征留異為侯安都前軍異平除給事
黃門少付郎衛尉卿四年授持節都督南徐州諸
軍事貞毅將軍南徐州刺史徵為左衛將軍加
信武將軍尋以本官領衛尉卿又進號仁威將
軍天監元年卒時年二十九贈侍中左衛將軍
謚曰然子碧嗣寶安卒後碧亦為偏將征歐陽
紇平定淮南並有功封江安縣伯邑四百戶歷
晉陵定遠二郡太守太建九年卒時年二十四
贈電威將軍

侯安都字成師始興曲江人也世為郡著姓父
文裨少仕州郡以忠謹稱安都貴後官至光祿
大夫始興內史秩中二千石安都工隸書能鼓
琴涉獵書傳為五言詩亦頗清靡兼善騎射為
邑里雄豪梁始興內史蕭子範辟為主簿侯
景之亂招集兵甲至三千人高祖入援京邑安
都引兵從高祖攻蔡路養破李遷仕克平侯景
竝力戰有功元帝授猛烈將軍通直散騎常侍
富川縣子邑三百戶隨高祖鎮京口除蘭陵太

守高祖謀龍衣王僧辯諸將莫有知者唯與安都
定計仍使安都率水軍自京口趨石頭高祖自
率馬步從江乘羅落會之安都至石頭北弃舟
登岸僧辯弗之覺也石頭城北接山岡阜雉堞不
甚危峻安都被甲帶長刀軍人捧之投於女垣
內眾隨而入進逼僧辯卧室高祖大軍亦至與
僧辯戰于聽事前安都自內閣出腹背擊之遂
擒僧辯紹泰元年以功授使持節散騎常侍都
督南徐州諸軍事仁威將軍南徐州刺史高祖

東討杜龕安都留臺居守徐嗣徽任約等引齊寇入據石頭游騎至于闕下安都閉門偃旗幟示之以弱令城中曰登陴看賊者斬及夕賊收軍還石頭安都夜令士卒密營御敵之具將旦賊騎又至安都率甲士三百人開東西掖門與戰大敗之賊乃退還石頭不敢復逼臺城及高祖至以安都爲水口卑於中流斷賊糧運又襲秦郡破嗣徽柵收其豕口并馬驢蝨重得嗣徽所彈琵琶及所養鷹遣信餉之曰昨至弟住處得

此今以相還嗣徽等見之大懼尋而請和高祖聽其還北及嗣徽等濟江齊之餘雷猶據採石守備甚嚴又遣安都攻之多所俘獲明年春詔安都率兵鎮梁山以備齊徐嗣徽等復入丹陽至湖熟高祖追安都還率馬步拒之於高橋又戰於耕壇南安都率十二騎突其陣破之生擒齊儀同乞伏無勞又刺齊將東方老墮馬會賊騎至救老獲免賊北渡將山安都又與齊將王敬寶戰於龍尾使從弟暉軍主張纂前犯其

陣曉被擒墜馬張纂死之安都馳往救曉斬其
 騎士十一人因取纂尸而還齊軍不敢逼高祖
 與齊軍戰於莫府山命安都領步騎千餘人自
 白下橫擊其後齊軍入敗安都又率所部追至
 攝山俘獲首虜不可勝計以功進爵為侯增邑
 五百戶給鼓吹一部又進號平南將軍改封西
 江縣公仍都督水軍出豫章助豫州刺史周文
 育討蕭勃安都未至文育已斬勃并擒其將歐
 陽頴傅泰等唯余孝頃與勃子孜猶據豫章之

石頭作兩城孝頃與孜各據其一又多設船艦
 夾水而陣安都至乃銜枚夜燒其艦文育率水
 軍安都領步騎登岸結陣孝頃俄斷後路安都
 乃令軍士多伐松木豎柵列營漸進頻戰屢克
 孜乃降孝頃奔歸新兵請入子為質許之師還
 以功進號鎮北將軍加開府儀同三司仍與會
 於武昌與周文育西討王琳將發王公已下餞
 於新林安都躍馬渡橋人馬俱墮水中又坐榻
 內墜於櫓井時以為不祥至武昌琳將樊猛弃

城走文育亦自豫章至時兩將俱行不相統攝
因部下交爭稍不平軍至郢州琳將潘純陲於
城中遙射官軍安都怒進軍圍之未能克而王
琳至于鼻口安都乃釋郢州悉衆往沌口以禦
之遇風不得進琳據東岸官軍據西岸相持數
日乃合戰安都等敗績安都與周文育徐敬成
並爲琳所囚琳搃以一長鎖繫之置于榻下令
所親官者王子晉掌視之琳下至湓城白水浦
安都等甘言許厚賂子晉子晉乃僞以小船依

船而釣夜載安都文育敬成上岸入深草中步
投官軍還都自劾詔並赦之復其官爵尋爲丹
陽尹出爲都督南豫州諸軍事鎮西將軍南豫
州刺史令繼周文育攻余孝勤及王琳將曹慶
常衆愛等安都自宮亭湖出松門躡衆愛俊文
育爲熊曇朗所害安都回取大艦值琳將周晃
周協南歸與戰破之生擒晃協孝勤弟孝猷率
部下四千家欲就王琳遇晃協敗乃詣安都降
安都又進軍於禽竒洲破曹慶常衆愛等焚其

船艦衆愛奔于廬山爲村人所殺餘衆悉平還
軍至南皖而高祖崩安都隨世祖還朝仍與
羣臣定議翼奉世祖時世祖謙讓弗敢當太后
又以衡陽王故未肯下令羣臣猶豫不能決安
都曰今四方未定何暇及遠臨川王有功天下
須共立之今日之事後應者斬便按劍上吼歟白
太后出璽又手解世祖髮推就喪次世祖即位
遷司空仍爲都督南徐州諸軍事征北將軍南
徐州刺史給扶王琳下至柵口大軍出頓於湖

時侯瑱爲大都督而指麾經略多出安都天嘉
元年增邑千戶及王琳敗走入齊安都進軍淝
城討琳餘黨所向皆下仍別奉中旨迎衡陽獻
王昌初昌之將入也致書於世祖辭甚不遜世
祖不憚乃召安都從容而言曰太子將至須別
求一番吾其老焉安都對曰自古豈有被代天
子臣愚不敢奉詔因請自迎昌昌濟漢而薨以
功進爵清遠郡公邑四千戶自是威名甚重群
臣無出其右安都父文捍爲始興內史卒於官

世祖徵安都還京師為發喪尋起復本官贈其
父散騎常侍金紫光祿大夫拜其母為清遠國
太夫人仍迎還都母固求停鄉里上乃下詔改
桂陽之汝城縣為廬陽郡分衡州之始興安遠
二郡合三郡為東衡州以安都從弟曉為刺史
安都第三子祕年九歲上以為始興內史並令
在鄉侍養其年改封安都桂陽郡公王琳敗後
周兵入據巴湘安都奉詔西討及留異擁據東
陽又奉詔東討異本謂臺軍由錢塘江而上

安都乃步由會稽之諸暨山下永康異尤怒奔
桃枝嶺處嶺谷間於巖口豎柵以拒王師安都
作連城收異躬自接戰為流矢所中血流至踝
安都乘輿摩軍容止不變因其山壠之勢走而
為堰天嘉三年夏潦水漲滿安都引船入堰起
樓艦與異城等放拍碎其樓雉異與第二子忠
臣脫身奔晉安安都虜其妻子盡收其人馬甲
仗振旅而歸以功加侍中征北大將軍增邑并
前五千戶仍還本鎮其年使民詣闕表請立碑

頌美安都功績詔許之自王琳平後安都勲庸
轉大又自以功安社稷漸用驕矜數招聚文武
之士或射馭馳騁或命以詩賦第其高下以差
次賞賜之文士則褚介馬樞陰鏗張正見徐伯
陽劉刪祖孫登武士則蕭摩訶裴子列等並爲
之宮客齋內動至千人部下將帥多不遵法度
檢問收攝則奔歸安都世祖性嚴察深銜之安
都非之改日益驕橫每有表啓封訖有事未盡
乃開封自書之云又啓某事及侍讌酒酣或箕

踞傾倚嘗陪樂遊禊飲乃白帝曰何如作臨川
王時帝不應安都再三言之帝曰此雖天命抑
亦明公之力宴訖又啓便借供帳水飾將載妻
妾於御堂歡會世祖雖許其請甚不憚明日安
都坐於御坐賓客居羣臣位稱觴上壽初重雲
殿災安都率將士帶甲入殿帝甚惡之自是陰
爲之備又周迪之反朝望當使安都討之帝乃
使吳明徹討迪又頻遣臺使案問安都部下檢
括亡叛安都內不自安三年冬遣其別駕周弘

實自託於舍人蔡景歷并問省中事景歷錄其
 狀具奏之希旨稱安都謀反世祖慮其不又制
 明年春乃除安都為都督江吳二州諸軍事征
 南大將軍江州刺史自京口還都都督任入右
 頭世祖以安都醜於嘉德殿又集其部下飛州帥
 會于尚書朝堂於坐收安都囚于嘉德西省又
 收其將帥盡奪馬仗而釋之因出舍人蔡景歷
 表以示於朝乃詔曰昔漢厚功臣韓彭肇亂晉
 倚蕃牧敦約稱兵託六尺於龐萌野心竊發寄

股肱於霍雀禹凶謀濟樓册追惟往不挺逆一揆永
 言自古患難同規矣安都素乏遙圖本慙令德
 幸屬興運預奉經綸拔跡行間假之毛羽推於
 偏帥委以馳逐位極三槐任居四嶽名器隆赫
 禮數莫儔而志唯矜己氣在陵上招聚逋逃
 窮極輕狡無賴無行不畏不恭受朕專征剽掠
 一逞推轂所鎮哀歛無厭寄以徐蕃接鄰齊境
 貧遷禁化負磔南甯居民推埋發掘毒母流泉壞
 眚僵尸罔顧彝憲朕以爰初締構頗著功績飛駢

代邸預定嘉謀所以淹抑有司每懷遵養杜絕
百辟日望自新款襟期於話言推丹赤於造次
策馬甲第羽林息敬言置酒高堂陞戟無衛何嘗
內隱片嫌去拍人而勿宿外恊猜防入成臯而不
留而勃戾不悛驕暴滋甚招誘文武密懷
異圖去年十二月十一日獲中書舍人蔡景歷啓
稱侯安都去月十日遣別駕周弘實來景歷
私省宿訪問禁中具陳反計朕猶加隱忍待之如
初爰自北門遷授南服受命經傳姦謀益露今者

一欲因初鎮將行不軌此而可忍孰不可容一賴社
稷之靈近侍誠慙醜情彰暴逆節顯聞外可詳
安不舊典速正刑書止在同謀餘無所問明日於
西台賜死時年四十四尋有詔宥其妻子家口
葬以士禮喪事所須務加資給初高祖在京城
嘗與諸將驪社僧明周文育侯安都等以稱
功伐高祖曰卿等悉良將也而並有所短社公
志大而識闇狎於下而驕於尊矜其功不收其
過周侯文不擇人而推心過差居危履險猜防

不設侯郎傲誕而無慙輕佻而肆志竝非全身
之道卒皆如其言安都長子敦年十二爲員外散
騎侍郎天嘉二年墮馬卒追諡桂陽國公世
子太建三年高宗追封安都爲陳集縣侯邑五
百戶子亶爲嗣安都從弟曉累從安都征討有
功官至員外散騎常侍明威將軍東衡州刺史
懷化縣侯邑五百戶大嘉三年卒年四十一
史臣曰杜僧明周文育竝樹功業成於興運頗
牧韓彭足可連類矣侯安都情異同時權踰曩
日因之以侵暴加之以縱誕苟曰非夫逆亂奚
用免於亡滅昔漢高醢之爲賜宋武拉於坐右
良有以而然也

列傳第二

列傳第三

陳書九

散騎常侍姚

思廉

撰

侯瑱

歐陽頔

子紘

吳明徹

裴子烈

侯瑱字伯玉巴西充國人也父弘遠世為西蜀酋豪蜀賊張文萼據白崖山有眾萬人梁益州刺史鄱陽王蕭範命弘遠討之弘遠戰死瑱固請復讎每戰必先鋒陷陣遂斬文

粵由是知名因事範範委以將帥之任山谷
夷獠不賓附者並遣瑱征之累功授輕車府
中兵參軍晉康太守範為雍州刺史瑱除
超武將軍馮翊太守範遷鎮合肥瑱又隨之
侯景圍臺城範乃遣瑱輔其世子嗣入援
京邑京城陷瑱與嗣退還合肥仍隨範徙鎮
潞城俄而範及嗣皆卒瑱領其衆依于豫章
太守莊鐵鐵疑之瑱懼不自安許引鐵謀事
因而刃之據有豫章之地侯景將于慶南
略地至豫章城邑皆下瑱窮蹙乃降於慶慶
送瑱於景景以瑱與己同姓託為宗族待之甚
厚留其妻子及弟為質遣瑒隨慶平定秦蜀
諸郡及景敗於巴陵景將宋子仙任約等並為
西軍所獲瑒乃誅景黨與以應我軍景亦盡
誅其弟及妻子梁元帝授瑒武臣將軍南兖州
刺史郟縣侯邑二千戶仍隨都督王僧辯討景
恒為前鋒每戰却敵既復臺城景奔吳郡僧辯
復瑒率兵追之與景戰於吳松江大敗景盡獲

其軍實進兵錢塘景將謝答仁呂子榮等皆
陞以功除南豫州刺史鎮于姑熟承聖二年齊
遣郭元建出自濡須僧辯遣瑱領甲士三千築
壘於東關以扞之大敗元建除使持節鎮北將
軍給鼓吹一部增邑二千戶西魏來寇荊州王
僧辯以瑱爲前軍赴援未至而荊州陷瑱之九
江因衛晉安王還都承制以瑱爲侍中使持節
都督江晉日吳齊四州諸軍事江州刺史改封康
樂縣公邑五千戶進號車騎將軍自是陸法和
據郢州引齊兵來寇乃使瑱都督衆軍西討未
至法和率其部比度入齊齊遣慕容德鎮于
夏首瑱控引西還水陸攻之恃德食盡請和瑱還
鎮豫章僧辯使其弟僧暕率兵與瑱共討蕭勃
及高祖誅僧辯僧暕陰欲圖瑱而奪其軍瑱知
之盡收僧暕徒黨僧暕奔齊紹泰二年以本號
加開府儀同三司餘並如故是時瑱據中流兵
甚疆盛又以本事王僧辯雖外示臣節未有入
朝意初余孝頃爲豫章太守及瑱鎮豫章乃

於新吳縣別立城柵與瑱相拒瑱留軍人妻子
於豫章令從弟濟知後事悉衆以攻瑛項自夏
及冬弗能克乃長圍守之盡収其木稼濟與其
部下侯方兒不協方兒怒率所部攻濟虜掠瑛
軍府妓妾金玉歸于高祖瑛既失根本兵衆皆
潰輕歸豫章豫章人拒之乃趨湓城投其將焦
僧度僧度勸瑛投齊瑛以高祖有大量必能容
已乃詣闕請罪高祖復其爵位永定元年授侍中
車騎將軍二年遷位司空王琳至於沌口周文育
侯安都竝沒乃以瑛為都督西討諸軍事瑛至
于梁山世祖即位進授上尉增邑千戶王琳至
于柵口又以瑛為都督侯安都等竝隸焉瑛與
琳相持百餘日未決天吉祐元年二月東關春水
稍長舟艦得通琳引合肥灤湖之衆舳艫相次
而下其勢甚盛瑛率軍進獸檻洲琳亦出船列
于江西隔洲而泊明日合戰琳軍少却退保西岸
及夕東北風大起吹其舟艦舟艦竝壞沒于沙
中溺死者數十百人浪大不得還浦夜中又有

流星墜于賊營及旦風靜琳入浦治船以荻船塞於浦口又以鹿角繞岸不敢復出是時西魏遣大將軍史寧躡其上流瑱聞之知琳不能持久收軍却據湖浦以待其敵及史寧至圍郢州琳恐衆潰乃率船艦來下去蕪湖十里而泊擊柝聞於軍中明日齊人遣兵數萬助琳琳引衆向梁山欲越官軍以屯險要齊儀同劉伯球率兵萬餘人助琳水戰行臺慕容恃德子子會領鐵騎二千在蕪湖兩岸博王山南爲其聲勢瑱令

軍中晨炊薦食分提盪頓蕪湖洲尾以待之將戰有微風至自東南衆軍施拍縱火定州刺史查昭達乘平虜大艦中江而進發拍中于賊艦其餘冒突青龍各相當值又以牛皮冒蒙衝小船以觸賊艦并鎔鐵灑之琳軍大敗其步兵在西岸者自相蹂踐馬騎竝淖于蘆荻中弃馬脫走以免者十二三盡復其舟艦器械并禽齊將劉伯球慕容子會自餘俘馘以萬計琳與其黨潘純隋等乘單舸艣冒陣走至盩城猶

欲收合離散衆無附者及與妻妾左右千餘人入齊其年詔以瑱爲都督湘巴郢江吳等五州諸軍事鎮溢城周將賀若敦獨孤盛等寇巴湘又以瑱爲西討都督與盛戰於西江口大敗盛軍虜其人馬器械不可勝數以功授使持節都督湘桂郢巴武沅六州諸軍事湘州刺史改封零陵郡公邑七千戶餘如故二年以疾表求還朝三月於道薨時年五十二贈侍中驃騎大將軍大司馬加羽葆鼓吹班劍二十人給東園祕器謚曰壯肅就襲封

其年九月配享高祖廟高祖子淨藏嗣淨藏尚世祖第二女富陽公主以公主除貞外散騎侍郎太建三年卒贈司徒主簿淨藏無子弟歐陽頴字靖世長沙臨湘人也爲郡豪族祖景達梁代爲本州治中父僧寶屯騎校尉頴少質直有思理以言行篤信著聞於嶺表父喪毀瘠甚至家產累積悉讓諸兄州郡頻辟不應乃廬於麓山寺傍專精習業博通經史年二十

其兄逼令從宦起家信武府中兵參軍遷平西
邵陵王中兵參軍事梁左衛將軍蘭欽之少也
與顧相善故顧常隨欽征討欽爲衡州仍除清
遠太守欽南征夷獠擒陳文徹所獲不可勝計
獻大銅鼓累代所無顧預其功遷爲直閣將軍
仍除天門太守伐蠻左有功刺史廬陵王蕭績
深嘉之引爲賓客欽征交州復啓顧同行欽度
嶺以疾終顧除臨賀內史啓乞送欽喪還都然
後之任時湘衡之界五十餘洞不宮勅令衡州刺

史韋粲討之粲委顧爲都督悉皆平殄粲啓梁
武稱顧誠幹降詔褒賞仍加超武將軍征討
廣術二州山賊侯景構逆粲自解還都征景以
顧監衡州京城陷後嶺南互相吞併蘭欽弟前
高州刺史裕攻始興內史蕭紹基奪其郡裕以
兄欽與顧有舊遣招之顧不從乃謂使云高州
昆季隆顯莫非國恩今應赴難援都豈可自爲
跋扈及高祖入援京邑將至始興顧乃深自結託
裕遣兵攻顧高祖援之裕敗高祖以王懷明爲衡

州刺史遷顧爲始興內史高祖之討蔡路養李
遷仕也顧率其度嶺以助高祖及路養等平顧
有功梁元帝承制以始興郡爲東衡州以顧爲持
節通直散騎常侍都督東衡州諸軍事雲麾
將軍東衡州刺史新豐縣伯邑四百戶侯景平
元帝遍問朝宰今天下始定極須良才卿各舉
所知群臣未有對者帝曰吾已得一人侍中王褒
進曰未審爲誰帝云歐陽頔公正有匡濟之才
恐蕭廣州不肯致之乃授武州刺史尋授郢州

刺史欲令出嶺蕭勃留之不獲拜命尋授使持
節散騎常侍都督衡州諸軍事忠武將軍衡州
刺史進封始興縣侯時蕭勃在廣州兵彊位
重元帝深患之遣王琳代爲刺史琳已至小桂
嶺勃遣其將孫瑒監州盡率部下至始興避琳
兵鋒顧別據一城不往謁勃閉門高壘亦不拒
戰勃怒遣兵龍襲顧盡收其資財馬仗尋赦之還
復其所復與結盟荊州陷顧委質於勃及勃度
嶺出南康以顧爲前軍都督頓豫章之苦竹灘

周文育擊破之擒送于高祖高祖釋之深加接待
蕭勃死後嶺南擾亂頗有聲南土且與高祖有舊
乃授頗使持節通直散騎常侍都督衡州諸軍
事安南將軍衡州刺史始興縣侯未至嶺南頗子
紇已克定始興及頗至嶺南皆懾伏仍進廣州盡有
越地改授都督廣交越成定明新高合羅愛建德暹
黃利安石雙十九州諸軍事鎮南將軍平越中
郎將廣州刺史持節常侍任並如故望琳據有中流
頗自海道及東嶺奉使不絕永定三年進授散

騎常侍增都督衡州諸軍事即本號開府儀同
三司世祖嗣位進號征南將軍改封陽山郡公
邑一千五百戶又給鼓吹一部初交州刺史袁
曇緩密以金五百兩寄頗令以百兩還合浦太
守龔為四百兩付兒智矩餘金弗之知也頗尋
為蕭勃所破皆財竝盡唯所寄金獨在曇緩
亦尋卒至是頗竝依信還之時人莫不嘆伏其
重然諾如此時頗弟盛為交州刺史次弟邃為
衡州刺史合門顯貴名振南土又多致銅鼓生

口獻奉珍異前後委積頗有助於軍國焉頌以
天嘉四年薨時年六十六贈侍中車騎大將軍
司空廣州刺史謚曰穆子紇嗣

紇字奉聖頗有幹略大嘉中除黃門侍郎負外
散騎常侍累遷安遠將軍衡州刺史襲封陽山
郡公都督交廣等十九州諸軍事廣州刺史在
州十餘年威惠著於百越進號輕車將軍光大
中上流蕃鎮竝多懷貳高宗以紇父在南服頗
疑之太建元年下詔徵紇為左衛將軍紇懼未

欲就徵其部下多勸之反遂舉兵攻衡州刺史
錢道戢道戢告變乃遣儀同章昭達討紇屢戰
兵敗執送京師伏誅時年三十三家口籍沒子
詢以年幼免

吳明徹字通昭秦郡人也祖景安齊南譙太守
父樹梁右軍將軍明徹幼孤性至孝年十四感墳
塋未備家貧無以取給乃勤力耕種時天下亢
旱苗稼焦枯明徹哀憤每之田中號泣仰天自
訴居數日有自田還者云苗已更生明徹疑之



P11

謂爲給已及往田所竟如其言秋而大獲足充
葬用時有伊氏者善占墓謂其兄曰君葬之曰
必有乘白馬逐鹿者來經墳所此是最小孝子
大貴之徵至時果有此應明徹即樹之最小子
也起家梁東宮直後及侯景寇京師天下大亂
明徹有粟麥三千餘斛而隣里饑餒乃白諸兄
曰當今草竊人不圖父柰何有此而不與鄉家
共之於是計口平分同其豐儉群盜聞而避焉
賴以存者甚衆及高祖鎮京口深相要結明徹

相授君其勉之及世祖弗豫徵拜中領軍廢帝
即位授領軍將軍尋遷丹陽尹仍詔明徹
以甲仗四十人出入殿省到仲舉之矯令出高
宗也毛喜知其謀高宗疑懼遣喜與明徹等焉
明徹謂喜曰嗣君諒闇萬機多闕外隣疆敵
內有大喪殿下親實周邵德冠伊霍社稷至重
願留中深計慎勿致疑及湘州刺史華皎陰有
異志詔授明徹使持節散騎常侍都督湘桂武
三州諸軍事安南將軍湘州刺史給鼓吹一

部仍與征南大將軍淳于量等率兵討賊敗平
授開府儀同三司進爵爲公太建元年授鎮南
將軍四年徵爲侍中鎮前將軍餘並如故會朝
議北伐公卿互有異同明徹決策請行五年詔
加侍中都督征討諸軍事仍賜女樂一部明徹
總統衆軍十餘萬發自京師緣江城鎮相續降
款軍至秦郡克其水柵齊遣大將刷破胡將
兵爲援明徹破走之斬獲不可勝計秦郡乃降
高宗以秦郡明徹舊邑詔具太牢令拜祠上冢

文武羽儀甚盛鄉里以爲榮進克仁州授征北
大將軍進爵南平郡公始信邑并前二千五百戶
次平峽石岸二城進逼壽陽齊遣王琳將兵拒
守琳至與刺史王貴顯保其外郭明徹以琳初
入衆心未附乘夜攻之中宵而潰齊兵退據相
國城及金城明徹令軍中益脩治攻具又詐肥
水以灌城城中苦濕多腹疾手足皆腫死者十
六七會齊遣大將軍皮景和率兵數十萬來
援去壽春三十里頓軍不進諸將咸曰堅城未

拔大援在近不審明公計將安出胡徹曰兵貴
在速而彼結營不進自挫其鋒吾知其不敢戰
明矣於是躬擐甲胄四面疾攻城中震恐一鼓
而克生擒王琳王貴顯扶風王可朱渾孝裕尚
書盧潛左丞李駒駮送京師景和惶懼遁走盡
收其輓馬輜重琳之獲也其舊部曲多在軍中
琳素得士平心見者皆歎欵不能仰祝明徹慮
其有變遣左右追殺琳傳其首詔曰壽春者古
之都會襟帶淮汝控引河洛得之者安是稱要

害侍中使持節都督征討諸軍事征北大將軍
開府儀同三司南平郡開國公明徹雄圖克舉
宏略蓋世在昔屯夷締構皇業乃掩衡岳用清
氛沴實吞雲夢即叙上游今茲蕩定恢我王
略風行電掃貔武爭馳月陣雲梯金湯奪險
威陵殊俗惠漸邊氓惟功與能元戎是屬崇麾廣
賦茂典恒宜可都督豫合建光朔北徐六州諸軍
事車騎大將軍豫州刺史增封并前三千五百
戶餘如故詔遣謁者蕭淳鳳就壽陽冊明徹於

城南設壇士卒二十萬陳旗鼓戈甲明徹登壇
拜受成禮而退將卒莫不踴躍焉初秦郡屬南
兗州後隸譙州至是詔以譙之秦盱眙神農三郡
還屬南兗州以明徹故也六年自壽陽入朝輿駕
幸其第賜鍾磬一部米一萬斛絹布二千匹七
年進攻彭城軍至呂梁齊遣援兵前後至者數
萬明徹又大破之八年進位司空餘如故又詔
曰昔者軍事建旌交鋒作鼓頃日訛替多乖
舊章至於行陣不相甄別今可給司空大都督

鈇鉞龍座其次將各有差尋授都督南北
南北青譙五州諸軍事南兗州刺史會周氏滅
齊高宗將事徐兗九年詔明徹進軍北伐令其
世子式昭將軍貞外散騎侍郎惠覺攝行州事
明徹軍三呂梁周徐州惣管梁士彥率眾拒戰
明徹頓破之因退兵守城不復敢出明徹仍進
清水以漣其城環列舟艦於城下攻之甚急周
遣上大將軍主軌將兵救之軌輕行自清水入淮
口橫流擊木以鐵鎖貫車輪遏斷船路詔將聞

之甚惶然議欲破堰拔軍以舫載馬馬主裴子
烈議曰若決堰下船船必傾倒豈可得乎不如
前遣馬出於事為允適會明徹苦背疾甚驚馬
知事不濟遂從之乃遣蕭摩訶帥馬軍數千
前還明徹仍自決其堰乘水勢以退軍冀其獲
濟及至清口水勢漸微舟艦並不得渡衆軍皆
潰明徹窮蹙乃就執尋以憂憤遭疾卒於長
安時年六十七至德元年詔曰李陵矢竭不免
請降于禁水漲猶且生獲固知用兵上術世罕

其人故待中司空南平郡公明徹爰初躡足乞
屈元戎百戰百勝之奇決機決死之勇斯亦倖
於古焉及拓定淮肥長驅彭沛覆勅寇如舉毛
掃銳師同沃雪風威懾於異俗功效著於同文
方欲息駕陰山解鞍澣海既而師出已老數亦
終奇不就結纓之功無辭入褚之屈望封嶠之
為易冀平羣之非難雖志在屈伸而奄中霜露
埋恨絕域甚可嗟傷斯事已往累逢肆赦凡厥
罪戾皆蒙洒濯獨此孤魂未惠寬惠遂使爵坐

潭沒饗酸無主弃段錄用宜在茲辰可進封邵陵
縣開國侯食邑二千戶以其息惠覺為嗣惠
覺歷黃門侍郎以平章大寶功授豐州刺史明
徹兄子超字逸世少凋儻以幹畧知名隨明徹
征伐有戰功官至忠毅將軍散騎常侍桂州刺
史封汝南縣侯邑二千戶卒贈廣州刺史諡

曰節

裴子烈字大士河東聞喜人梁貞外散騎常侍
荷之子子烈少孤有志氣遇梁末喪亂因習武

藝以驍勇聞頻從明徹征討所向必先登陷陳
官至電威將軍北譙太守岳陽內史海安縣伯
邑五百戶至德四年卒

史臣曰高祖撥亂創基光啓天曆庶瑱歐陽
顏竝歸身有道位貴鼎司美矣吳明徹君將
帥之任初有軍功及呂梁敗績為失策也斯以
勇非韓白識異孫且遂使威境喪師金陵虛弱
禎明淪覆蓋由其心漸焉

列傳第三

陳書九

列傳第四

陳書七

散騎常侍姚思廉

撰

周鐵虎

程靈洗子文季

周鐵虎不知何許人也梁世南渡語音侷重膂力過人便馬槊事梁河東王蕭譽以勇敢聞譽板為府中兵參軍譽為廣州刺史以鐵虎為興寧令譽遷湘州又為臨蒸令侯景之亂元帝於荊州遣世子方等代譽且以兵臨之譽拒戰夫

捷方等死鐵虎功最譽委遇甚重及王僧辯討
譽於陣獲鐵虎僧辯命烹之鐵虎呼曰侯景
未滅柰何殺壯士僧辯竒其言乃宥之還其麾下
及侯景西上鐵虎從僧辯克任約獲宋子仙
每戰皆有功元帝承制授仁威將軍潼州刺史
封沌陽縣子邑三百戶又從僧辯克定京邑降
謝答仁平陸納於湘州承聖二年以前後戰功
進爵為侯增邑并前五百戶仍為散騎常侍領
信義太守將軍如故高祖誅僧辯鐵虎率

所部降因復其本職徐嗣徽引齊戶寇渡江鐵
虎於板橋浦破其水軍盡獲甲仗船舸又攻歷
陽龍衣齊寇步營並皆克捷嗣徽平紹泰二年
遷散騎常侍嚴威將軍太子左衛率尋隨周
文育於南江拒蕭勃恒為前軍文育又命鐵虎
偏軍於苦竹灘襲勃前軍歐陽頔又隨文育西
征王琳於沌口敗績鐵虎與文育侯安都並為
琳所擒琳引見諸將與之語唯鐵虎辭氣不屈
故琳盡宥文育之徒獨鐵虎見害時年四十九

高祖聞之下詔曰天地之寶所貴曰生形魄之徒
所重唯命至如捐生立節効命酬恩追遠懷昔
信宜加等散騎常侍嚴威將軍太子左衛率潼
州刺史領信義太守沘陽縣開國侯鐵虎器局
沈厚風力勇壯北討南征竭忠盡力推鋒江夏
致隔凶徒神氣彌雄肆言無撓豈直温序見害
方其理鬚龐德臨危猶能瞋目忠貞如此惻愴
兼深可贈侍中護軍將軍青冀二州刺史加封
一千戶并給鼓吹一部侯如故天嘉五年世祖

又詔曰漢室功臣形為宮觀魏朝猛將名配宗
祧功烈所以長存世代因之不朽故侍中護軍
將軍青冀二州刺史沘陽縣開國侯鐵虎誠節
鯁亮力用雄敢王業初基行間累及垂翅賊壘
正色寇庭古之遺烈有識同壯隕身不屈雖隆
榮等營魂易遠言追嘉惜宜仰陪寤寢恭頌
饗奠可配食高祖廟庭子瑜嗣時有盱眙馬明
宇世朗梁世事鄱陽嗣王蕭範侯景之亂據
廬江之東界拒賊臨城柵元帝授散騎常侍平

陳書傳四
三
北將軍北兗州刺史領廬江太守荊州陷沒歸
于高祖紹泰中復官位封西華縣侯邑二千戶
亦隨文育西征王琳於沌口軍敗明及戰死之贈
使持節征西將軍郢州刺史

程靈洗字玄滌新安海寧人也少以勇力闢步
行日二百餘里便騎善游梁末海寧黠歛等縣
及鄱陽宣城郡界多盜賊近縣苦之靈洗素為
鄉里所畏伏前後守長恒使召募少年逐捕劫
盜侯景之亂靈洗聚徒據黠歛以拒景景軍據

有新安新安太守湘西鄉侯蕭隱奔依靈洗靈
洗奉以主盟梁元帝於荊州承制又遣使間道
奉表劉神茂自東陽建義拒賊靈洗攻下新安
與神茂相應元帝授持節通直散騎常侍都督
新安郡諸軍事雲麾將軍譙州刺史資領新安
太守封巴丘縣侯邑五百戶神茂為景所破景
偏帥呂子榮進攻新安靈洗退保黠歛及景敗
子榮退走靈洗復據新安進軍建德擒賊帥趙
桑乾以功授持節散騎常侍都督青異二州諸

軍事青州刺史增邑并前一千戶將軍太守如
故仍令靈洗率所部下揚州助王僧辯鎮防遷
吳興太守未行僧辯命靈洗從侯瑱西援荊州
荊州陷還都高祖誅僧辯靈洗率所領來援其
徒力戰於石頭西門軍不利遣使招諭久之乃
降高祖深義之紹泰元年授使持節信武將軍
蘭陵太守常侍如故助防京口及平徐嗣徽靈
洗有功除南丹陽太守封遂安縣侯增邑并前
一千五百戶仍領采石隨周文育西討王琳於

沌口敗績為琳所拘明年與侯安都等逃歸
兼丹陽尹出為高唐原二郡太守仍鎮南陵
遷太子左衛率高祖崩王琳前軍東下靈洗
於南陵破之虜其兵士并獲青龍十餘乘以
功授持節都督南豫州緣江諸軍事信武將軍
南豫州刺史侯瑱等敗王琳于柵口靈洗乘勝
逐北據有魯山徵為衛士將軍餘如故天嘉四
年周迪之重寇臨川以靈洗為都督自鄱陽別
道擊之迪又走山谷間五年遷中護軍常侍如

故出爲使持節都督郢巴武三州諸軍事宣毅將軍郢州刺史廢帝即位進號雲麾將軍華皎之反也遣使招誘靈洗靈洗斬皎使以狀聞朝廷深嘉其忠增其守備給鼓吹一部因推心待之使其子文季領水軍助防是時周遣其將長胡公拓跋定率步騎二萬助皎攻圍靈洗靈洗嬰城固守及皎退乃出軍躡定定不獲濟江以其衆降因進攻周江州克之擒其刺史裴寬以功進號安西將軍改封重安縣公增邑并前

二千戶靈洗性嚴急御下甚苛刻士卒有小罪必以軍法誅之造次之間便加捶撻而號令分明與士卒同甘苦衆亦以此依附性好播植躬勤耕稼至於水陸所宜刈穫早晚雖老農不能及也伎妾無游手並督之紡績至於散用貨財亦弗儉吝光大二年卒於州時年五十五贈鎮西將軍開府儀同三司謚曰忠壯太建四年詔配享高祖廟庭子文季嗣

文季字少卿幼習騎射多幹略果決有父風

弱寇從靈洗征討必前登陷陣靈洗與周文育
侯安都等敗於沌口爲王琳所執高祖召陷賊
諸將子弟厚遇之文季最有禮容深爲高祖所
賞永定中累遷通直散騎侍郎句容令世祖嗣
位除宣惠始興王府限內中直兵參軍是時王
爲揚州刺史鎮冶城府中軍事悉以委之天嘉
二年除貞毅將軍新安太守仍隨侯安都東討
留異異當向文政據有新安文季率精甲三百
輕往攻之文政遣其兄子瓚來拒文季與戰大

破瓚軍文政乃降三年始興王伯茂出鎮東州
復以文季爲鎮東府中兵參軍帶剡令四年陳
寶應與留異連結又遣兵隨周迪更出臨川世
祖遣信義太守余孝頃自海道襲晉安文季
爲之前軍所向克捷陳寶應平文季戰功居多
還轉府諮議參軍領中直兵出爲臨海太守尋
乘金翅助父鎮郢城華皎平靈洗及文季並有扞
禦之功及靈洗卒文季盡領其衆起爲超武將
軍仍助防郢州文季性至孝雖軍旅奪禮而

毀瘠甚至太建二年為豫章內史將軍如故服
闕龍不封重安縣公隨都督章昭達率軍往荊州
征蕭歸歸與周軍多造舟艦置于青泥水中時
水長漂疾昭達乃遣文季共錢道戢輕舟
龍衣之盡焚其舟艦昭達因蕭歸等兵稍怠又
遣文季夜入其外城殺傷甚衆既而周兵大出
巴陵內史雷道勤拒戰死之文季僅以身免以
功加通直散騎常侍安遠將軍增邑五百戶五
年都督長明徹北討秦郡秦郡前江浦通塗

水齊人竝下大柱為柵柵水中乃前遣文季領
驍勇拔開其柵明徹率六軍自後而至攻秦郡
克之又別遣文季圍涇州克者其城進攻盱眙拔
之仍隨明徹圍壽陽文季臨事謹急御下嚴整
前後所克城壘率皆迹水為堰土木之功動踰
數萬每置陣役人文季必先諸將夜則早起
迄暮不休軍中莫不服其勤幹每戰恒為前
鋒齊軍深憚之謂為程獸以功除散騎常侍明
威將軍增邑五百戶又帶新安內史進號武毅

將軍八年為持節都督譙州諸軍事安遠將軍
 譙州刺史其年又督北徐仁州諸軍事北徐州
 刺史餘竝如故九年又隨明徹北討於呂梁作
 堰事見明徹傳十年春敗績為周所囚仍授
 開府儀同三司十一年自周逃歸至渦陽為邊
 吏所執還送長安死于獄中後主是時既與
 周絕不之知也至德元年後主始知之追贈散
 騎常侍尋又詔曰故散騎中侍前重安縣開
 國公文志子宣承明緒克荷家聲且早歲出羣雖
 非元帥啓行為最致果有聞而覆喪車徒允
 從黜削但靈洗之功并禦父而見思文季之
 魂田共域有足可憫言念勞舊傷茲廢絕宜有
 廟食無使餒而可降封重安縣侯邑二千戶以
 子嶠襲襲封

史臣曰程靈洗父子竝御下嚴苛治兵整肅然
 與而承同其勞苦匪私財利去多依焉故臨戎克
 辦矣

列傳第四

陳書十

列傳第五

陳書二十一

散騎常侍姚思廉撰

黃法𪗇

淳于量

章昭達

黃法𪗇字仲昭巴山新建人也少勁捷有膽力
步行日三百里距躍三丈頗便書疏隄明總領
出入郡中為鄉閭所憚侯景之亂於鄉里為徒
眾太守賀詡下江州法𪗇監知郡事高祖將踰

嶺入援建業孝邁任作梗中途高祖命周文育
屯于西昌法甌遣兵助文育時法甌出頓新淦
縣景遠行臺于慶至豫章慶分兵來襲新淦法
甌拒戰敗之高祖亦遣文育進軍討慶文育疑
慶在二疆未敢進法甌率衆會之因進克笙屯
俘獲甚衆梁元帝承制授超猛將軍交州刺史
資績新金谿令封巴山縣子邑三百戶承聖三
年除明威將軍游騎將軍進爵為侯邑五百戶
貞陽侯僭位除左驍騎將軍敬帝即位改封新

建縣侯邑如前太平元年割江州四郡置高州
以法甌為使持節散騎常侍都督高州諸軍事
信武將軍高州刺史鎮于巴山蕭勃遣歐陽頔攻
法甌法甌與戰破之永定二年王琳遣李孝欽樊
猛余孝頃攻周迪且謀取法甌法甌率兵援迪
擒孝頃等二將進號宣毅將軍增邑并前一千
戶給鼓吹一部又以拒王琳功授平南將軍開府
儀同三司熊曇朗於金口反害周文育法甌共
周之討平之語在曇朗傳世祖嗣位進號安南

將軍天嘉二年周迪反法甌率兵會都督吳明
徹討定於王境迪平法甌功居多徵為使持節
散騎常侍都督南徐州諸軍事鎮北大將軍南
徐州刺史儀同鼓吹竝如故未拜尋又改授都督
江一州諸軍事鎮南大將軍江州刺史六年
徵為中衛大將軍廢帝即位進爵為公給扶光
大元年出為使持節都督南徐州諸軍事鎮北
將軍南徐州刺史二年徙為都督郢巴武三州
諸軍事鎮西將軍郢州刺史持節如故太建元

年進號征西大將軍二年徵為侍中中權大將
軍四年出為使持節散騎常侍都督南豫州
諸軍事征南大將軍南豫州刺史五年大舉北
伐都督郢巴武三州徵出秦氐以法甌為都督鎮歷陽
齊遣其大將軍王僧虔領步騎五萬來援於小岷築城法
甌遣其子僧暉領軍樊毅分兵於大岷禦之大破齊
軍遂獲人馬器械於是乃為首車及步艦豎柏
以通歷陽歷陽人窘蹙乞降法甌緩之則又堅
守法甌悉親率士卒攻城施拍加其樓堞時又大

兩城崩克之盡謀成卒進兵合肥望旗降款法
旤不令軍士侵掠躬自撫勞而與之盟立放還
北少加待中改封義陽郡公邑二千戶其子遷
都督合寧二州諸軍事征西大將軍合州刺史
增邑二千戶七年徙都督豫建光朔合北徐六
州軍事尋豫州刺史兼壽陽侍中散騎常侍持
節行儀曰吹扶竝如吹年十一月薨時年五
十九贈侍中中權大將軍司空謚曰威子玩嗣
淳于量字思明其先濟北人也世居京師父文成

仕梁為將帥官至光
自居處偉姿容有幹
刺史文成分量人馬
常侍兼西中郎府
兵直兵者十餘載兵
蠻左數反山帥文道期
征之頻戰不利遣且里助
破道期斬其酋長浮盧
邑三百戶授涪陵太守歷
將軍梁州刺史量少善
弓馬梁元帝為荊州
于焉起家湘東王國
軍累遷府佐常兼中
丁盛於府中荆雍之界
邊患中兵王僧辯
至與僧辯并力大
討以功封廣晉縣男
新興武寧二郡太

守侯景之亂梁元帝凡遣五軍入援京邑量預
其一臺城陷量還荊州元帝承制以量為假節
通直散騎常侍都督巴州諸軍事信威將軍
巴州刺史侯景西上攻巴州元帝使都督王僧
辯入據巴陵量與僧辯并力拒景大敗景軍擒
其將任約進攻郢州獲宋子仙仍隨僧辯克平
侯景承聖元年以功授左中將軍封謝沐縣侯
邑五百戶尋出為持節都督桂定東西寧等
四州諸軍事信威將軍

遷護軍桂州刺史荆

州陷墨保據桂州王琳擁割湘郢累遣召量

外雖與琳往來而別遣使從間道歸於高祖高

祖受禪授持節散騎常侍平西大將軍給鼓吹

一部都督刺史竝如故尋進號鎮南將軍仍授

都督鎮西大將軍開府儀同三司世祖嗣位進

號征南大將軍王琳平後頗請入朝天嘉五年

徵為中撫大將軍常侍儀同鼓吹竝如故量所

部將帥多戀本土竝欲逃入山谷不願入朝世

祖使湘州刺史華皎征衡州界黃洞且以兵迎

量天康元年至都以在道淹留為有司所奏免儀同餘竝如故光武元年給鼓吹一部華皎構逆以量為使持節征南大將軍西討大都督摠率大艦自郢州樊浦拒之皎平并降周將長胡公拓跋定等以功授侍中中軍大將軍開府儀同三司進封醴陵縣公增邑一千戶未拜出為使持節都督在徐州諸軍事鎮北將軍南徐州刺史侍中儀同鼓吹竝如故大建元年進號征北大將軍給扶二年坐就江陰王蕭季卿買梁陵

中樹季卿坐免量在侍中尋復加侍中五年徵為中護大將軍侍中儀同鼓吹扶竝如故吳明徹之西伐也量薨以其事遣第六子岑率所領從軍淮南克定量以封始安郡公增邑一千五百戶六年出為使持節都督郢巴南司定四州諸軍事征西大將軍郢州刺史侍中儀同鼓吹扶竝如故七年徵為中軍大將軍護軍將軍九年以公事免侍中尋復加侍中十年吳明徹暗沒加量使持節都督水陸諸軍事仍授散騎

常侍都督南北充譙三州諸軍事車騎將軍
南充州刺史餘竝如故十三年加左光祿大夫
增邑五百戶餘竝如故十四年四月薨時年七
十二贈司空

章昭達字伯通吳興武康人也祖道蓋齊廣平
太守父法尚梁揚州議曹從事昭達性倜儻輕
財尚氣少時嘗遇相者謂昭達曰卿容貌甚善
須小虧損則當富貴矣梁大同中昭達爲東宮直
後因醉墜馬鬚角小斫昭達喜之相者曰未也

及侯景之亂昭達率募鄉人援臺城爲流矢所
中眇其一目相者見之曰卿相善矣不久當貴
京城陷昭達還鄉里與世祖遊因結君臣之分
侯景平世祖爲吳興太守昭達杖策來謁世祖
世祖見之大喜因委以將帥恩寵優渥超於儕
等及高祖討王僧辯令世祖還長城招聚兵衆
以備杜龕頻使昭達往京口稟承計畫僧辯誅
後龕遣其將杜泰來攻長城世祖拒之命昭達
總知城內兵事及杜泰退走因從世祖東進軍

吳興以討杜龕龕平又從世祖東討張彪於會稽克之累功除明威將軍定州刺史是時留異擁據東陽私署守宰高祖患之乃使昭達為長山縣令居其心腹永定二年除武康令世祖嗣位除公外散騎常侍天嘉元年追論長城之功封欣樂縣侯邑一千戶尋隨侯安都等拒王琳于沌口戰于蕪湖昭達乘平虜大艦中流而進先鋒發拍中于賊艦王琳平昭達冊勳第一二年除使持節散騎常侍都督郢巴武沅四州諸

軍事智武將軍郢州刺史增邑并前千五百戶尋進號平西將軍周迪據臨川反詔令昭達便道征之及迪敗走徵為護軍將軍給鼓吹一部改封邵武縣侯增邑并前二千戶常侍如故四年陳寶應納周迪復共寇臨川又以昭達為都督討迪至東興嶺而迪又退走昭達仍踰嶺頓于建安以討陳寶應寶應據建安晉安二郡之界水陸為柵以拒官軍昭達與戰不利因據其上流命軍士伐木帶枝葉為筏施拍於其上綴以大索相次列營夾

于兩岸寶應數挑戰昭達按甲不動俄而暴雨
江水大長昭達放筏衝突寶應水柵水柵盡破
又出兵攻其步軍方大合戰會世祖遣余孝頃
出自海道適至因并力乘之寶應大潰遂克
定閩中盡擒留異寶應等以功授鎮前將軍
開府儀同三司初世祖嘗夢昭達升於台筮及
旦以夢告之至是侍醮世祖顧昭達曰卿憶夢
不何以償夢昭達對曰當効犬馬之用以盡臣
即自餘無以奉償尋又出為使持節都督江
郢吳三州諸軍事屯鎮南將軍江州刺史常侍儀
同鼓吹如故廢帝即位遷侍中征南將軍改封
邵陵郡公華皎之反也其移書文檄並假以昭
達為辭又頻遣使招之昭達盡執其使送于京
師改平進號征南大將軍增邑并前二千五百
戶祿滿徵為中撫大將軍侍中儀同鼓吹如故
高宗即位進號車騎大將軍以還朝遲留為有
司所劾降號車騎將軍歐陽紇據有嶺南反詔
昭達都督衆軍討之昭達倍道兼行達于始興紇

聞昭達奄至惟擾不知所爲乃出頓淮口多聚
沙石盛以竹籠置于水柵之外用遏舟艦昭達
居其上流裝艦造拍以臨賊柵又令軍人銜刀
潛行水中以斫竹籠籠篾皆解因縱大艦隨
流突之賊衆大敗因而擒紇送于京師廣州平
以功進車騎大將軍遷司空餘竝如故太建二
年率師征蕭蕭歸于江陵時蕭蕭歸與周軍大蓄
舟艦於青泥中昭達分遣偏將錢道戢程文
季等乘輕舟燒張之焚其舟艦周兵又於峽下南

岸築壘名曰安蜀城於江上橫引大索編篁
爲橋以度軍糧昭達乃命軍士爲長戟施於
樓船之上仰割其索索斷糧絕因縱兵以攻其
城降之二年遘疾薨時年五十四贈大將軍增邑
五百戶給班劍二十人昭達性嚴刻每奉命出征
必晝夜倍道然有所克捷必推功將帥厨膳飲
食竝同於羣下將士亦以此附之每飲會必盛設
女伎雜樂備盡羌胡之聲音律姿容竝一時之
妙雖臨對寇敵旗鼓相望弗之廢也四年配享

世祖廟庭子大寶襲封邵陵郡公累官至散
騎常侍護軍出爲豐州刺史在州貪縱百姓怨
酷後主以太僕卿李暈代之至德三年四月暈
將到州大寶乃襲殺暈率兵反遣其將楊通
寇建安建安內史吳慧與覓據郡城拒之通累
攻不克官軍稍近人情離異大寶計窮乃與
通俱逃臺軍主陳景詳率兵追躡大寶大寶
既入山山路阻險不復能行通背負之稍進尋
爲追兵所及生擒送都以路死傳首梟于朱

崔航夷二族

史臣曰黃法甌溥于量值梁末喪亂劉項未
分其有辯明暗見是非者蓋鮮二公達向背
之理位至鼎司亦其智也昭達與世祖鄉壤惟
舊義等鄧蕭世祖纂曆委任隆重至於戰
勝攻取累平寇難斯亦良臣良將一代之吳
耿矣

列傳第五

陳書十一

易立ノ白木子
陳言傳五



